

序

余素不解醫讀刀圭書輒不能
終卷非忽之也以其為道精深
密微非淺人所可急窺非躁心所
可嘗試又自度聰明才力皆有

所不暇給計惟節之於起居食
飲之常謹之於四時六氣之辯
於以閑者欲頤情志順性命以託
賦於天至談醫則不敢知誠重之也
誠難之也懷襄在都中吳航

陳修園先生以名孝廉宰畿輔醫
名震日下嘗奉檄勘災恒山時水
沴之後疫癘大作先生采時方
百餘首刊示醫者如法診治全
活無數仁心仁術其施溥矣後三

十餘載余返自都門與修全閩通
志廣搜著述家言時先生已捐館
數載得所撰方書已刊行者十餘
種條其目著於編年遺書存於家
者哲嗣靈石先後梓而傳之

令孫徽菴世其學精其業復取所
遺醫學從衆錄八卷讐校付剞劂
重以林戟門先生屬序於余
既歎知醫之難而何敢言醫之
易乎雖然先生自序言之矣先

為醫士治膏肓之疾又云此錄簡
便易知頗切時困所謂醫心者正
治不若從治之為得也多必治督
者不謬其方而後受治者不戕其
性此即 先生作宰時刊方示醫

之仁術也雖其言之峻而心良
苦矣錄以從衆名非徇衆也導以
可從乃所以防其不可從者也得
此說而通之庶易言緊者或深
悟其難而得所從者特因難而

見易乎願受是書而先讀之

道光二十有五年歲在乙巳秋九月

東洋和齋魏敬中序



序

陳君徽菴以醫世其家今歲夏
間予患沉疴徽菴以數劑立起之
益信其學之有淵源也一日出其

令祖修園先生所著醫學從衆
一書示予曰此先大父晚年採擷
各家之精華抄衷而歸於至當
堪為初學指南將付刊以公於

世請題數語可乎予受而讀之
其論症則窮究根原其脈則
剖分宜忌其下藥則酌量加減
取古人之成法以已意運之矯枉

者不得出其範圍拘墟者有以
測其神智名曰從衆實大衆之

津梁也先生本吾郡通儒為孝

廉時以制藝名為吏時以循良

名而卒以醫名生前活人無算身
後濟世有書徽菴承祖硯之傳
不私為枕中秘均足令人欽佩
也因謹序之如此

道光乙巳重陽日戟門林振榮拜撰



醫學從衆自序

不爲宰相便爲醫貴之之說也秀士學醫如菜
作齋賤之之說也醫者學本靈素通天地人之
理而以保身而以保人本非可賤之術緣近今
耑業者類非通儒不過記問套方希圖倖中揣
合人情以為糊口之計是自賤也余向有金匱
傷寒各種醫書纍纍數十萬言先為醫士治膏
盲之疾不曰靈素則曰南陽雖有遵經之志却

非語下之方畏其難者中阻而工於欺人之術者別戶分門遂多簧鼓而余之汲汲苦心終為未逮也余觀近今醫士不學者無論有能讀薛立齋王金壇趙養葵張景岳張石頑李時珍李士材喻嘉言八家之書即為不凡之士尚可與言蓋此八家雖未能合內經之旨仲師之法而書中獨得之妙亦復不少茲且就世俗所共奉者採其名言錄其方治約數十方而取其一二